



Scéim na nEalaíon sa Luathfhoghlaim agus i gCúram Leanaí 2024

Treoirínte d'Iarratasóirí

Le haghaidh tograí a thosófar in 2024

Spríodhata: 5.30 p.m., Déardaoin, 4 Aibreán 2024

Tabhair faoi deara: daoine faoi mhíchumas nó daoine a bhfuil riachtanais maidir le bealach isteach acu

Déanann an Chomhairle Ealaíon gach iarracht freastal réasúnta a chur ar fáil do dhaoine faoi mhíchumas nó do dhaoine a bhfuil riachtanais maidir le bealach isteach acu ar mian leo iarratas a chur isteach nó a bhfuil deacrachtaí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le hOifigeach Rochtana na Comhairle Ealaíon, ar an nguthán (01 618 0200/01 618 0243) nó trí ríomhphost (access@artscouncil.ie) chomh luath agus is féidir roimh an spríodhata.

CLÁR

Pointí tábhachtacha nach mór cuimhneamh orthu	3
Cabhair a fháil maidir le d'iarratas	4
1. Faisnéis maidir le Scéim na nEalaíon sa Luathfhoghlaim agus i gCúram Leanáí 2024	5
1.1 Cuspóirí agus tosaíochtaí na scéime	5
1.2 Cé atá i dteideal iarratas a dhéanamh?	8
1.3 Cé hé nó hí an t-iarratasóir?	9
1.4 Cad is féidir leat iarratas a dhéanamh air?	9
1.5 Cé na costais nach féidir liom iarratas a chur isteach ina leith?	11
1.6 Ábhar tacaíochta riachtanach	11
1.7 Incháilitheacht	13
2. An dóigh le d'iarratas a dhéanamh	14
2.1 Cláraigh le Seirbhísí ar Líne na Comhairle Ealaíon	14
2.2 Líon isteach an fhoirm iarratais	15
2.3 Ullmhaigh aon ábhar tacaíochta atá riachtanach don iarratas	16
2.4 Iarratas a dhéanamh ar líne	17
3. An dóigh a ndéanaimid measúnú ar d'iarratas	19
3.1 Forbhreathnú	19
3.2 An próiseas measúnaithe	19
3.3 Critéir chun iarratais a mheasúnú	19
3.4 Painéal piaraí	21
3.5 Toradh na n-iarratas	22

Pointí tábhachtacha nach mór cuimhneamh orthu

- Tá faisnéis thábhachtach sa doiciméad seo faoin Scéim na nEalaíon sa Luathfhoghlaím agus i gCúram Leanaí 2024 agus faoin gcaoi chun iarratas a dhéanamh.
- D'fhonn iarratas a dhéanamh, **ní mór** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le cúig lá oibre a thógáil sular féidir úsáideoir nua a chlárú ar OLS, mar sin tóg go leor ama duit féin é seo a dhéanamh sula mbeidh an spriodhata buailte leat.
- Molaimid go láidir duit an cháipéis seo a léamh go cúramach sula dtosaíonn tú ar an bpróiseas chun d'iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d'iarratas a dhéanamh.
- Molaimid go mbeadh sé mar aidhm agat d'iarratas a uaslódáil **daichead a hocht uair an chloig ar a laghad** roimh an spriodhata fógartha. Ar an gcaoi sin, bheadh am agat dul i dteagmháil linn má bhíonn aon fhadhbanna teicniúla agat agus bheimis in ann cuidiú leat.
- Tabhair faoi deara, de bharr an lín mhóir iarrthóirí a úsáideann an córas ar líne lá an spriodhata, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 p.m. lá an spriodhata**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnamh a fháil, i bhfad roimh an spriodhata.
 - Tá gach cuid den fhoirm iarratais a bhaineann le m'iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítear sna treoirlínte seo, agus tá siad sin réidh le huaslódáil agam.
 - D'iarr mé ar dhuine éigin eile m'iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraidh.
-

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin: <http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar **01 618 0200/01 618 0243**

Má bhíonn ceist agat faoi d'iarratas nach mbaineann le cúrsaí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoiniú á chur faoina bráid agat ar ríomhphost nó ar an bhfón. <http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Téigh chuig an nasc seo a leanas chun féachaint ar ár dtreoir ar YouTube maidir le hiarratas a dhéanamh: <https://www.youtube.com/watch?v=-a3xeZdZj3o>

1. Faisnéis maidir le Scéim na nEalaíon sa Luathfhoghlaim agus i gCúram Leanaí 2024

1.1 Cuspóirí agus tosaíochtaí na scéime

Is é an cuspóir atá ag Scéim na nEalaíon sa Luathfhoghlaim agus i gCúram Leanaí 2024 deiseanna a chur ar fáil do leanaí agus do pháistí óga chun iniúchadh a dhéanamh ar na healaíona agus sásamh a bhaint astu le tacaíocht ó na healaíontóirí, oideoirí luathbhlianta, le cleachtóirí ar aois scoile, le teaghlaigh agus le cúramóirí. Tabharfar tús áite do thionscadail a chuireann deiseanna fiúntacha ar fáil do leanaí agus do pháistí óga iniúchadh a dhéanamh ar na healaíona agus páirt a ghlacadh iontu; agus ina tacaítear leis na healaíontóirí, leis na hoideoirí luathbhlianta chun comhoibriú lena chéile, foghlaim a chomhroinnt, agus a n-inniúlacht a fhorbairt sa réimse seo. Ba cheart go gcuimseofaí leis na tograí cur chuige tomhaiste air maidir le doiciméadacht, measúnú agus machnamh, agus ba cheart go mbeadh siad in ann eolas a dhéanamh do chleachtas níos leithne.

Tá an scéim oscailte d'ealaíontóirí agus d'eagrais ealaíne a chomhoibreoidh le seirbhísí incháilithe mar atá leagtha amach i **Shnáithe 1** agus **Shnáithe 2** thíos. Glactar le tograí freisin a chuireann deiseanna ar fáil do pháistí níos sine atá ag freastal ar chúram leanaí aoise scoile chun páirt a ghlacadh sna healaíona trí Shnáithe 1 den scéim seo. Ba cheart duit iarratas a dhéanamh ar **Shnáithe 3** má tá sé beartaithe agat oibriú le meascán seirbhísí a chomhlíonann riachtanais Shnáithe 1 agus seirbhísí eile a chomhlíonann riachtanais Shnáithe 2.

Tá an scéim oscailte do gach foirme ealaíne agus do gach réimse cleachtas ealaíne. Tá sé mar aidhm againn tacú le tograí thar éagsúlacht foirmeacha ealaíne, agus leis na cinn a fhorbraíonn agus a seachadann éagsúlacht ealaíontóirí, eagrais agus seirbhísí ealaíne iad ar fud na hÉireann. Tabharfar tús áite do na tograí a bhíonn ar siúl i seirbhísí a oibríonn le páistí atá faoi mhíbhuntáiste agus ina leagtar béim ar ionchuimsitheacht.

Féach ar [Bheartas na Comhairle Ealaíon maidir le hEalaíona Páistí agus Daoine Óga](#) chun tuilleadh faisnéise a fháil maidir le tosaíochtaí na Comhairle Ealaíon sa réimse seo. I dteannta leis an méid sin, ba cheart go mbeadh na tograí ag teacht le hAistear, an Creatchuraclam Luath-Óige, agus leis na Treoirínte Cáilíochta Náisiúnta do Sheirbhísí Cúraim Leanaí ar Aois Scoile, mar is cuí. Tugtar spreagadh do na hiarratasóirí féachaint ar na prionsabail oibríthe chun páirt a ghlacadh sna healaíona i luathfhoghlaim agus cúram maidir lena dtograí a fhorbairt.

Is féidir tuilleadh faisnéise a fháil anseo:

<https://ncca.ie/aistear-the-early-childhood-curriculum-framework/>

<https://www.gov.ie/en/publication/b66c5-national-quality-guidelines-for-school-age-childcare-services-guidelines-components-and-elements-september-2020/>

Scéim na nEalaíon sa Luathfhoghlaim agus i gCúram Leanaí 2024: Treoirlínte d'Iarratasóirí

<https://www.gov.ie/en/publication/03e1c-draft-principles-for-the-facilitation-of-the-arts-in-promoting-play-and-creativity-in-early-learning-and-care/>

Beartas na Comhairle Ealaíon maidir le hEalaíona do Leanaí agus Daoine óga

Cuireann straitéis deich mbliana na Comhairle Ealaíon (2016–2025), *Saothar Ealaíne Iontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo: <http://www.arts council.ie/ga/straitéis-na-comhairle-ealaion/>).

Snáithe 1: Luathfhoghlaim agus Cúram Leanaí

Tacaíonn an snáithe seo le comhpháirtíochtaí idir ealaíontóirí/eagrais ealaíne agus luathfhoghlaim agus cúram cláraithe ag Tusla (LFC) agus/nó seirbhísí cúraim leanaí ar aois scoile (CLAS). Áirítear an méid seo a leanas leis na seirbhísí incháilithe: seirbhísí pobail agus príobháideacha, seirbhísí LFC, seirbhísí LFC agus CLAS le chéile, agus seirbhísí CLAS neamhspleácha.

Chun seirbhís LFC agus/nó CLAS atá cláraithe ag Tusla a aimsiú agus chun teagmháil a dhéanamh léi i do cheantar, déan teagmháil le do Choiste Cúraim Leanaí Cathrach/Contae áitiúil. <https://myccc.ie/> Mar rogha eile:

- Is féidir liosta iomlán de sheirbhísí LFC atá cláraithe ag Tusla a fháil anseo: <https://www.tusla.ie/preschool-services>
- Is féidir liosta iomlán de sheirbhísí CLAS atá cláraithe ag Tusla a fháil anseo: <https://www.tusla.ie/school-age-services>

Le linn duit a bheith ag déanamh d'iarratais, iarrfar ort an tseirbhís cláruimhir Tusla do sheirbhís LFC agus/nó CLAS. Is aitheantóir uathúil í an uimhir seo a chuirtear i bhfeidhm i gach seirbhís ar chlárú le Tusla. Taispeántar san uimhir: Tusla, bliain an chlárúcháin, réimse an údaráis áitiúil agus digití uathúla – e.g. TU2018KK998.

Snáithe 2: Cosaint Idirnáisiúnta (breith–páistí atá 6 bliana d'aois)

Tacaíonn an snáithe seo le comhpháirtíochtaí idir ealaíontóirí/eagrais ealaíne agus leis na daoine atá ag obair le páistí ón Úcráin agus le daoine eile a raibh tionchar ag an gcogadh, ag díláithriú agus cailteanas orthu. Ba cheart go mbeadh na tograí dírithe ar chleachtas a bhfuil tráma mar bhonn eolais faoi. Is féidir éascaíocht a dhéanamh do na tionscadail laistigh de na seisiúin Fan agus Imir áitiúla, laistigh de na grúpaí tuismitheora agus lapadáin nó in áiteanna eile a thacaíonn le páistí na hÚcráine agus le páistí eile atá ag lorg cosaint idirnáisiúnta ó bhreith go dtí 6 bliana d'aois.

Is grúpaí tuismitheora-agus-páiste éascaithe iad na seisiúin Fan agus Imir a bunaíodh mar fhreagairt do teacht na bpáistí agus na dtuismitheoirí/na gcúramóirí as an Úcráin, ina gcuirtear deiseanna imeartha ar fáil mar aon le tacaíochtaí tuismitheoireachta. Bíonn siad á

mbainistiú go háitiúil ag Coistí Contae agus Cathrach i gCúram Leanaí agus bíonn siad lonnaithe laistigh d'áiseanna óstáin nó iostais grúpa.

Chun seisiún Fan agus Imir a aimsiú agus chun teagmháil a dhéanamh leo i do cheantar, déan teagmháil le do Choiste Cúraim Leanaí Cathrach agus Contae áitiúil. <https://myccc.ie/>

Is cruinnithe neamhfhoirmeálta iad na grúpaí tuismitheora agus lapadáin i bpobail áitiúla ina mbíonn tuismitheoirí/cúramóirí in ann sóisialú agus ina mbíonn a bpáistí óga in ann imirt. Tá fáilte roimh chúramóirí, seantuismitheoirí, caomhnóirí agus feighlithe páistí chomh maith. D'oscail grúpaí daoine a ndoirse do theaghlaigh ón Úcráin agus do pháistí eile atá ag lorg cosaint idirnáisiúnta, grúpaí lena gcuimsítear Ionaid Acmhainní Teaghlaigh ar fud na tíre.

Chun grúpa tuismitheora-agus-lapadáin a aimsiú agus chun teagmháil a dhéanamh leis i do cheantar, déan teagmháil le do Choiste Cúraim Leanaí Cathrach/Contae áitiúil. <https://myccc.ie/>

Snáithe 3: Comhthéacsanna Measctha

Ba cheart duit iarratas a dhéanamh ar an snáithe seo má áirítear le do thogra seirbhís a chomhlíonann riachtanais Shnáithe 1 agus seirbhís eile a chomhlíonann riachtanais Shnáithe 2.

Eolas Bhreise:

- Ba cheart do na tograí tarlú laistigh de tréimhse dhá mhí déag ó thús 2024. Chun dóthain ama a chur ar fáil ionas go ndéanfar measúnú ar na tograí agus chun cinntí a chur in iúl, ba cheart go mbeadh dáta tosaithe ag na tograí nach bhfuil níos luaithe ná Meitheamh 2024.
- Is féidir leis na hiarratasóirí cur isteach ar uasmhéid iomlán nach bhfuil os cionn €40,000.
- Is féidir leis na hiarratasóirí a fhógairt go mbeidh siad rannpháirteach le seirbhís incháilithe amháin nó tuilleadh. Ba cheart **Dréacht den MT le gach seirbhís** a bhfuil sé bearthaithe agat oibriú léi a chomhlánú agus a chur san áireamh le do thogra. Mar rogha eile, is féidir **dréacht de MT ina bhfuil an Coiste Cúraim Leanaí Cathrach/Contae áitiúil** a chur ar fáil. Ba cheart go ndeimhneodh sé seo go dtacófar leat chun na seirbhísí a shainaithint agus a chomhaontú, na seirbhísí ina mbeidh tú ag obair sa chás go n-éireoidh le do thogra.
- Ba cheart duit a chinntiú go gcuirtear go leor ama agus acmhainní san áireamh chun pleanáil go comhoibríoch, agus chun an fhoghlaim a dhoiciméadú, athmhachnamh a dhéanamh uirthi agus í a roinnt. Má bhronntar maoiniú ort, iarrfar ort tuairisc a thabhairt ar sheachadadh do thogra.
- Ba cheart don ealaíontóir nó don tseirbhís a aontú roimh ré, líon iomlán na laethanta a chaithfidh an t-ealaíontóir nó an eagraíocht ealaíon le gach seirbhís, agus ba cheart na laethanta sin a mheas lena chinntiú go n-íoctar luach saothair cóir leis na healaíontóirí

dá gcuid ama. Ba cheart an t-am a chaithfidh na healaíontóirí i mbun pleanála agus athmhachnaimh, i mbun seachadadh na dtionscnamh, agus i mbun forbairt ar a gcleachtas a bheith san áireamh anseo. Féach ar [Bheartas Luach Saothair don Ealaíontóir](#) na Comhairle Ealaíon nuair a bheidh buiséadú á dhéanamh d'am agus do tháillí na n-ealaíontóirí.

- Féach ar chuid **3.3** chun sonraí ar na critéir a úsáidfear chun na hiarratais uile a mheas – is iad seo a) éagsúlacht; b) cáilíocht agus oiriúnacht an togra; c) a mhéad a chomhlíonann an togra cuspóir agus tosaíocht na dámhachtana; agus d) indéantacht.
- Féach ar chuid **1.6** chun faisnéis a fháil ar an ábhar tacaíochta riachtanach a chabhróidh leat cur in iúl conas a chomhlíonann d'iarratas na critéir agus na tosaíochtaí seo.

1.2 Cé atá i dteideal iarratas a dhéanamh?

Tá an scéim oscailte d'ealaíontóirí agus d'eagraíochtaí ealaíne lonnaithe i bPoblacht na hÉireann.

Ní mór do na healaíontóirí/na heagraíochtaí ealaíne páirtí a bheith acu le seirbhís incháilithe amháin nó tuilleadh, agus ní mór go mbeadh dréacht den MT ar fáil do gach seirbhís atá mar chuid dá dtogra nó dá ndréacht den MT lena gCoiste Cúraim Leanáí Cathrach/Contae áitiúil.

Féadfaidh ealaíontóirí/eagraíochtaí ealaíon bheith dírithe ar aon fhoirm ealaíne nó ar roinnt foirmeacha ealaíon éagsúla.

Le bheith i dteideal iarratas a dhéanamh, ní mór don iarratasóir na riachtanais seo a leanas a shásamh:

- Lonnaithe/i do chónaí i bPoblacht na hÉireann. D'fhéadfadh sé go ndéanfaí an t-iarratas a mheas fiú má tá an t-iarratasóir bunaithe lasmuigh de Phoblacht na hÉireann. Mar sin féin, ní mór go gcuirfeadh an t-iarratas in iúl go láidir go rachadh an togra chun tairbhe do na healaíona i bPoblacht na hÉireann.
- Ealaíontóir gairmiúil a bhíonn ag cleachtadh a cheirde, nó eagraíocht ag obair le healaíontóirí gairmiúla i mbun cleachtaidh. Cé go bhféadfadh nach mbeadh ealaíontóirí aonair atá páirteach i dtogra ag bheith ag saothrú ioncaim go leanúnach ná go heisiach óna gcleachtas ealaíon, ní mór dóibh iad féin a aithint agus a bheith aitheanta ag a bpiaraí mar ealaíontóirí gairmiúla atá i mbun cleachtaidh.

Mar chuid dá [Beartas Comhionannais, Éagsúlachta agus Ionchuimsitheachta](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir féideartha beag beann ar inscne, claonadh gnéis, stádas sibhialta nó teaghligh, creideamh, aois, míchumas, cine nó duine den Lucht Siúil, nó cúlra socheacnamaíoch. Cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach

gan a bheith teoranta dóibh sin amháin agus/nó tionscnaimh a chuireann deiseanna nó torthaí cothroma ar fáil dóibh siúd atá bainteach leo.

1.3 Cé hé nó hí an t-iarratasóir?

Is ionann an t-iarratasóir agus an duine nó an eagraíocht a gheobhaidh aon deontas a thairgfear agus caithfidh sé glacadh le téarmaí agus le coinníollacha an deontais sin.

Ní íocfar aon deontas a thairgfear ach isteach i gcuntas bainc atá in ainm an iarratasóra.

Ní mór go mbeadh na cáipéisí go léir a chuirfear ar fáil in ainm an iarratasóra (mar ealaíontóir aonair nó eagraíocht ealaíon) – e.g. má dhéanann tú iarratas ar mhaoiniú faoin ainm Máire de Barra, ní mór go mbeadh gach cáipéis a chuireann tú isteach, lena n-áirítear sonraí bainc agus sonraí cánach, san ainm sin. Ní ghlacfar le leaganacha malartacha amhail Mary Barry nó Barry Studios.

1.4 Cad is féidir leat iarratas a dhéanamh air?

Is é an t-uasmhéid a dhámhfar ar gach iarratas rathúil:

€40,000

Cé mhéad maoinithe ar féidir leat iarratas a dhéanamh air?

Agus tú ag cur isteach ar an maoiniú seo, ní mór duit buiséad a chur isteach ina bhfuil liosta de gach mír ioncain agus caiteachais a bhaineann le don togra.

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú sa bhuiséad.

- Ba cheart go n-áireofaí táillí an ealaíontóra a dhéanfaidh an Chomhairle Ealaíon a mhaoiniú má éiríonn le d'iarratas leis an gcaiteachas beartaithe* chomh maith le haon costas eile, mar shampla táillí breise, costais theicniúla agus riaracháin, doiciméadacht, costais maidir le cur chun cinn agus poiblíocht, costais feidhmíochta/taispeántais, etc. Ní mór go mbainfeadh na costais ar fad go díreach leis na gníomhaíochtaí a chuimsítear leis do thogra
- Ba cheart go n-áireofaí leis an ioncam beartaithe luach na hinfheistíochta comhchineáil ó na seirbhísí páirtí nó ó pháirtithe eile agus aon ioncam a shíleann tú a gheofar ó mhaoinitheoirí eile, etc. nuair is cuí.

Tá sé tábhachtach gach tacaíocht chomhchineáil** a léiriú san ioncam agus sa chaiteachas araon, chun fíorluach agus luach iomlán do thogra a léiriú.

* Nóta maidir le pá ealaíontóirí

Tá an Chomhairle Ealaíon tiomanta do phá agus coinníollacha ealaíontóirí a fheabhsú. D'fhoilsíomar [beartas](#) maidir le luach saothair agus conraitheoireacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas. Iarrfar ort, mar chuid den phróiseas iarratais, an chaoi a gcinnteoidh tú pá cóir agus

	coinníollacha cearta do na healaíontóirí a oibríonn leat a leagan amach. Cabhróidh sé seo linn indéantacht d'iarratais a mheas.
** Nóta maidir le tacaíocht chomhchineáil	<p>Is príomhghné de Scéim na nEalaíon sa Luathfhoghlaim agus i gCúram Leanaí 2024 í an tacaíocht chomhchineáil a chuireann na seirbhísí páirtí agus páirtithe poiblí eile ar fáil, amhail, am ó na baill foirne a leithdháilfear chun an togra a chomhordú agus chun páirt a ghlacadh ann agus chun cuntas a choinneáil ar na torthaí agus chun machnamh a dhéanamh orthu; spás ina mbíonn na gníomhaíochtaí ar siúl; agus forchostais bhainteacha. Go hidéalach, ba cheart duit luach airgeadais a chur isteach ionas go mbeidh an ranníocaíocht a dhéanann na bpáirtithe eile le fíorluach do thogra soiléir. Ba cheart duit caitheamh le tacaíocht chomhchineáil mar chaiteachas agus mar ioncam ar aon: pé méid a dhearbhaíonn tú ar thaobh an chaiteachais, ba cheart duit é a dhearbhu freisin ar thaobh an ioncaim, ionas go mbeidh do bhuiséad comhardaithe agus go mbeidh sé soiléir nach bhfuil tú ag lorg thacaíocht na Comhairle Ealaíon le haghaidh na gcostas seo.</p> <p>Ní féidir am a thugann na stiúrthóirí nó comhaltaí boird a áireamh mar chostas chomhchineáil.</p>

Iarrtar ort an t-ioncam, an caiteachas agus an méid atá á iarraidh agat a shonrú ag dhá chéim le linn d'iarratais:

- Ar líne, nuair a chuirfidh tú tús leis an iarratas (na figiúirí iomlána amháin)
- I gcuid 3 den fhoirm iarratais

Cinntigh go bhfuil na figiúirí iomlána mar an gcéanna sa dá chás, agus cinntigh gurb ionann an méid atá á iarraidh agus CAITEACHAS IOMLÁN Iúide IONCAM IOMLÁN.

Costais rochtana d'ealaíontóirí nó rannpháirtithe¹ faoi mhíchumas

Anuas ar an uasmhéid atá ceadaithe, déanfaidh an Chomhairle Ealaíon measúnú ar chostais rochtana a bhaineann go sonrach le saothair a dhéanann ealaíontóirí nó rannpháirtithe faoi mhíchumas agus/nó a bhfuil costais neamh-chaipitiúla rochtain an phobail acu (e.g. tráchttaireacht fuaime, ateangaireacht) i gcásanna a bhfuil toradh poiblí ag baint le do thogra.

Tógann an Chomhairle Ealaíon an sainmhíniú ar mhíchumas ó Choinbhinsiún na Náisiún Aontaithe ar Chearta Daoine faoi Mhíchumas, ina sonraítear: 'Áirítear i measc daoine

¹ Tugann an Chomhairle Ealaíon sainmhíniú ar rannpháirtithe mar iad siúd a chuireann iad féin in iúl go cruthaitheach trí pháirt a ghlacadh i ngníomhaíochtaí ealaíonta. I dtéarmaí níos leithne, ciallaíonn sé seo aon duine atá páirteach sna healaíona ar aon bhealach ag aon leibhéal e.g. ag freastal ar imeacht, ag léamh leabhair, ag féachaint ar thaibhléirí.

faoi mhíchumas na daoine sin ar a bhfuil mallachair fhadtéarmacha de chineál fisiciúil, meabhrach, intleachtúil nó céadfach ar mallachair iad, nuair a nasctar iad le nithe eile, a d'fhéadfadh a bheith ina gcúis le cosc ar pháirteachas iomlán éifeachtach sa tsochaí ar an mbonn céanna le daoine eile.'

Más mian leat cur isteach ar mhaoiniú do chostais rochtana, ba cheart duit an fhaisnéis seo a leanas a uaslódáil le d'iarratas:

- Cáipéis ghairid ina dtugtar achoimre ar do chostais rochtana bhreise
- Méid do chostais rochtana sa rannán caiteachais de bhuiséad d'fhoirme iarratais. Ba cheart an figiúr sin a áireamh leis an méid iomlán a iarrann tú freisin.

Cad is Costas Rochtana ann?

Clúdaíonn costais rochtana aon riachtanais a d'fhéadfadh a bheith ag ealaíontóirí nó rannpháirtithe faoi mhíchumas, ionas go mbaintear aon chonstaic a d'fhéadfadh cosc a chur ort do thogra a chríochnú. D'fhéadfadh costais i gcomhair am breise atá ag teastáil chun gné do thogra a chríochnú nó cúnamh sa bhreis chun do ghníomhaíocht mholta a sholáthar a bheith san áireamh, mar shampla.

Tabhair faoi deara: sa chás go bhfuil costais rochtana á n-iarraidh agat, ba cheart duit eolas a chur san áireamh faoi na costais chéanna agus an chaoi ar tháinig tú orthu mar chuid de do cháipéisíocht tacaíochta (féach rannán 1.6 thíos).

1.5 Cé na costais nach féidir liom iarratas a chur isteach ina leith?

Níor cheart duit iarratas a dhéanamh ar an gComhairle Ealaíon le haghaidh costais atá clúdaithe cheana ag maoinithe poiblí eile (e.g. spás ar cíos, forchostais agus am na mball foirne, sa chás go bhfuil ealaíontóirí ag tabhairt cuairt ar sheirbhís). Ach, tugtar spreagadh duit cuntas a choinneáil de na rudaí seo mar chuid de d'ioncam agus do chaiteachas comhchineáil chun luach iomlán do thogra a léiriú.

Ní féidir leat iarratas a dhéanamh i leith na gcostas seo a leanas:

- Costais nach n-oireann do chuspóir an chláir
- Forchostais reatha nó costais reatha riaracháin
- Costais chaipitil.

1.6 Ábhar tacaíochta riachtanach

Mar aon le d'fhoirm iarratais agus ar leithligh uaithi, **caithfidh** tú an t-ábhar tacaíochta seo a leanas a chur isteach ar líne le d'fhoirm iarratais:

- **Dréacht den Mheabhrán Tuisceana (MT) le gach seirbhís bheartaithe.** Mar rogha eile, **dréacht den MT le do Choiste Cúraim Leanaí Cathrach/Contae** a dheimhníonn go dtacófar leat chun na seirbhísí a shainaitheint agus a chomhaontú, na seirbhísí ina

mbeidh tú ag obair sa chás go n-éireoidh le do thogra. Úsáid an **teimpléad Meabhráin Tuisceana** ar fáil.

Tabhair faoi deara: Má bhronntar maoiniú, beidh an MTanna deiridh le cur ar fáil chun íocaíochtaí a tharraingt anuas.

- CV atá suas chun dáta nó beathaisnéis den iarratasóir agus de na príomhealaíontóirí eile atá ag comhoibriú, nuair is cuí
- Sampla amháin ar a laghad agus gan níos mó ná trí shampla de shaothar an ealaíontóra nó na heagraíochta ealaíon.

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta eile a uaslódáil mar dhoiciméid le d'iarratas – amhail do bhuiséad mionsonraithe; doiciméad ina bhfuil na CVanna ábhartha ar fad; agus doiciméad ina bhfuil na dréachtaí de an MTanna ábhartha. Tiomsaigh doiciméid atá cosúil lena chéile i pdf amháin nuair is cuí – e.g. más rud é go mbeidh tú ag obair le níos mó ná seirbhís amháin, tiomsaigh agus uaslódáil gach MT ábhartha mar pdf amháin.

Ábhar breise a bhíonn de dhíth i gcásanna áirithe

- Má tá costais rochtana bhreise á lorg agat chun tacú le hobair le daoine aonair a bhfuil riachtanais rochtana acu, nó chun tacú le rochtain ar d'áit oibre do lucht féachana a bhfuil riachtanais rochtana acu, cuir cáipéis san áireamh ina leagtar amach na costais sin, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.
- Má tá obair le hainmhithe i gceist le do thogra, ní mór duit cóip de do *Bheartas agus Nósanna Imeachta um Chosaint Ainmhithe* a chur ar fáil.

Maidir le hiarratais a bhaineann le leanaí agus le daoine óga atá faoi bhun ocht mbliana déag d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisghrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat.
- Má éiríonn leat, iarrfar ort Féin-íniúchadh Dearbhaithe Cáilíochta na Comhairle Ealaíon i dtaca le Cosaint agus Leas Leanaí a chomhlánú ar <https://childprotection.artscouncil.ie/>. Téigh chuig www.tusla.ie le tuilleadh faisnéise a fháil maidir le Tús Áite do Leanaí.

- Éileofar ort freisin do chuid sonraí a nuashonrú sa táb faisnéise faoin bpróifíl sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Maidir le hiarratais a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má chuireann tú tic sa bhosca Tá, cuireann tú in iúl go n-oibreoidh tú leis an gcohort seo nó go gcuirfidh tú obair i láthair don gcohort seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

* Tabhair faoi deara go bhféadfaí iarradh ort níos mó fianaise maidir le cloí leis na beartais seo a chur ar fáil má bhíonn rath ar d'iarratas

An fhormaid le haghaidh ábhar tacaíochta

Is gá gach ábhar tacaíochta don chlár maoinithe seo a **chur isteach ar líne**. Ní ghlacfar le hábhar tacaíochta i bhfoirm cruachóipe. Lean na treoirlínte seo le haghaidh na gcineálacha éagsúla ábhar tacaíochta.

Má bhíonn tuilleadh faisnéise uait faoi na formáidí is féidir leat a úsáid faoi choinne an ábhair tacaíochta is mian leat a uaslódáil mar chuid de d'iarratas, féach ar chuid **2.3**

Ullmhaigh aon ábhar tacaíochta atá riachtanach don iarratas.

1.7 Incháilitheacht

Ní mheasfar mar iarratasóirí incháilithe ach na healaíontóirí agus na heagraíochtaí ealaíne a chomhlíonann an sainmhíniú i gcuid 1.2 agus atá ag déanamh iarratais i gcomhpháirtíocht le seirbhís incháilithe amháin nó níos mó mar atá leagtha amháin i gcuid 1.1 (Snáithe 1 **nó** Snáithe 2) nó le Coiste Cúraim Leanaí Cathrach/Contae, a chabhróidh lena chinntiú go mbeidh na seirbhísí sin rannpháirteach. Ba cheart go sonrófáir na dréachtaí de na MTanna a chuireann tú isteach le d'iarratas an tseirbhís/na seirbhísí a n-oibreoidh tú léi/leo **nó** a bhfuil do Choiste Cúraim Leanaí Cathrach/Contae áitiúil tiomanta do thacú leat na seirbhísí ábhartha a shainithint agus a chomhaontú sa gcás go n-éireodh le d'iarratas. Mar aon leis seo, d'fhéadfaí a mheas go bhfuil d'iarratas neamh-incháilithe mura gcuireann tú foirm iarratais comhlánaithe agus an t-ábhar tacaíochta riachtanach ar fad eile a shonraítear i gcuid 1.6 isteach.

2. An dóigh le d'iarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlacfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh. Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo: <https://onlineservices.artscouncil.ie/register.aspx?&lang=gd-ge>.

Laistigh de chúig lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Nóta: beidh ríomhaire/ríomhaire glúine de dhíth ort le húsáid chun d'iarratas a chur isteach. Ní oibríonn ár láithreán gréasáin Seirbhísí ar Líne ar fhóin ná ar tháibléid.

Ní mór do do ríomhaire agus don bhrabhsálaí idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

PC Córas oibriúcháin Windows 7 nó leagan níos déanaí de Windows leis na leaganacha brabhsálaithe seo a leanas: Microsoft Edge (v.94) nó Firefox (v.27) nó Chrome (v.33), nó leagan níos déanaí d'aon cheann de na brabhsálaithe sin.

Mac Mac OS X v10.5 Leopard nó leagan níos déanaí de chóras oibriúcháin Mac leis na leaganacha brabhsálaithe seo a leanas: Safari (v.3.1) nó Firefox (v.27) nó Chrome (v.32) nó Microsoft Edge (v.94), nó leagan níos déanaí d'aon cheann de na brabhsálaithe sin.

Tabhair faoi deara: Má choisceann Safari 11 uaslódáil cáipéisí, úsáid leagan níos déanaí de Safari, nó brabhsálaithe difriúla ar nós Firefox, Chrome, nó Microsoft Edge.

Tabhair faoi deara: ní mór go mbeadh Microsoft Word nó OpenOffice Writer ar an ríomhaire freisin chun an fhoirm iarratais féin a chomhlánú. Bogearra saor in aisce is ea OpenOffice Writer is féidir a íoslódáil anseo: <https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9Xgmg0Eo>.

Ní mór duit OpenOffice Writer leagan 4.0.1 nó níos luaithe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d'úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luaithe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuaí de, a íoslódáil agus a úsáid. Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteagmháil linn le comhairle a fháil chomh luath agus is féidir leat roimh an spríodhata.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spríodhata agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spríodhata. Ba cheart duit d'iarratas a ullmhú agus a chur isteach tamall maith roimh an spríodhata.

D'fhéadfadh an t-am uaslódála a bheith i bhfad níos faide ná an t-am íoslódála. D'fhéadfadh sé go dtógfadh sé níos faide ná mar a cheapfá d'ábhar tacaíochta a uaslódáil.

Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteagmháil leis an gComhairle Ealaíon ach ríomhphost a sheoladh chuig onlineservices@artscouncil.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuairisciú dúinn tamall maith roimh an spríodhata. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileáilimid le fiosruithe ar bhonn tús freastail ar an gceann is túsce.

Cuimhnigh go ndéantar anrud glaonna ag druidim leis an spríodhata agus go mb'fhéidir nach réiteofar glaonna i dtaobh tacaíocht theicniúil a gheofar tar éis a 2.00 p.m. ar lá an spríodhata.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaíon in ann faisnéis a bhaint uathí chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach

mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Ullmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfaí CV nó samplaí de shaothar reatha de do chuid a áireamh leis sin – e.g. téacs, físeán, íomhánna, nó taifeadtaí fuaime (féach ar chuid **1.6 Ábhar tacaíochta riachtanach**)

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas formáidí comhaid do d'ábhar tacaíochta.

Cineál comhaid	Iarmhír comhadainm
téacscomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaime	.wav/.mp3/.m4a
comhaid físe	.avi/.mov/.mp4
scarbhileoga	.xls/.xlsx
Comhaid Adobe Acrobat Reader	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách amhail CVanna agus litreacha tacaíochta srl. a uaslódáil mar dhoiciméid aonair le d'iarratas.

In áit d'ábhar a uaslódáil go díreach, féadfaidh tú naisc a chur ar fáil chuig ábhar atá á óstáil ar ardáin sruthaithe nach gcuireann teorainn ar rochtain trí shíntiús airgeadais. Chun é sin a dhéanamh, cóipeáil an URL (seoladh iomlán na háite ina bhfuil d'ábhar á óstáil) isteach i gcáipéis Microsoft Word nó OpenOffice Writer nó doiciméad PDF agus uaslódáil í mar cháipéis thacaíochta ina bhfuil nasc gréasáin.

“Cé nach liosta iomlán é seo, ba shamplaí d'ardáin chomhroinnte inghlactha iad YouTube, Vimeo, SoundCloud, Bandcamp.

Tabhair faoi deara nach nglacfaimid le naisc chuig na foinsí seo a leanas:

- Suíomhanna comhroinnte comhad – e.g. Google Drive, OneDrive

- Ardáin na meán sóisialta – e.g. Meta, Instagram
- Do shuíomh gréasáin pearsanta féin

Tabhair faoi deara: ní bhreathnóidh na measúnóirí ach amháin ar naisc URL a chuirfidh tú ar fáil. Tá sé tábhachtach go ndéanfaidh tú cinnte go n-oibríonn gach nasc sa doiciméad agus go dtugann na naisc an breathnóir chuig an bhfoinse cheart ionas go mbeidh an breathnóir in ann rochtain a fháil ar d'ábhar tacaíochta agus breathnú air.

Ná marcáil d'ábhar mar 'príobháideach' mar nach mbeidh sé ar fáil lena mheasúnú. Athraigh na socruithe ar d'fhíseán go 'neamhliostaithe' más rud é nár mhaith leat go mbeadh an pobal in ann féachaint ar ábhar tacaíochta an iarratais ar do chainéal YouTube.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadainm air a léiríonn go soiléir cad atá ann nó cad a léirítear leis – i.e. mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháipéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha	russelljack iarratas ar Thionscadal Ailtireachta.doc
maithe le	russelljack gearrthóg taibhithe.mp4
tabhairt ar	russelljack Architecture Project budget template.xls
chomhaid i gcás	russelljack nasc youtube.doc
iarratasóra darb	
ainm Jack Russell	

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

2.4 Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tús a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an foirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an maoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an maoinithe atá á iarraidh agat. Ba cheart gurb ionann **an Méid atá á iarraidh** agus

Caiteachas iomlán lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais comhlánaithe, CV nó CVanna, buiséad mionsonraithe agus aon ábhar tacaíochta riachtanach eile a uaslódáil (féach ar chuid **1.6 ábhar tacaíochta riachtanach?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá d'fhoirm iarratais curtha i gcrích agat mar chomhaid **.docx**, agus má tá tú muiníneach go bhfuil d'fhoirm iarratais líonta isteach i gceart (lena n-áirítear clóscríobh laistigh de na réimsí liatha) ach go léiríonn na seirbhísí ar líne teachtaireacht a deir nach féidir an fhoirm a uaslódáil, déan iarracht í a shábháil mar chomhaid **.doc** agus í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhreagras a bhaineann leis an iarratas seo. **Tabhair faoi deara:** tá sé tábhachtach go rachfá i dteagmháil le onlineservices@artscouncil.ie mura bhfaigheann tú an dara ríomhphost deimhnithe ina mbeidh an uimhir iarratais.

3. An dóigh a ndéanaimid measúnú ar d'iarratas

3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is í an aidhm atá ann ná a chinntiú go bhfuil córas cothrom trédhearcach ann maidir le dámhachtainí a bhronnadh

3.2 An próiseas measúnaithe

Déanann an Chomhairle Ealaíon gach iarratas a fhaightear a phróiseáil mar seo a leanas:

1. Seiceáiltear incháilitheacht d'iarratais – cuirtear gach iarratas incháilithe ar aghaidh chuig an gcéim mheasúnaithe.
2. Déanann comhairleoir(i) agus/nó an fhoireann measúnú ar an iarratas.
3. Molann comhairleoir(i) agus/nó an fhoireann ar cheart iarratas a chur ar an ngearrliosta nó nár cheart.
4. Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.
5. Cuirtear na cinntí in iúl do na hiarratasóirí i scríbhinn.
6. Déanann an Chomhairle nóta de na cinntí.

3.3 Critéir chun iarratais a mheasúnú

Déanfar measúnú ar fhoirmeacha iarratais agus ar ábhar tacaíochta agus tabharfar scór dóibh i gcoinne na gcritéir seo a leanas:

a) Éagsúlacht

Tá sé mar aidhm againn éagsúlacht aoiseanna, seirbhísí agus foirmeacha ealaíne a bhaint amach ar fud na scéime. Mar chuid dár bpróiseas roghnúcháin agus bunaithe ar na hiarratais a chuirtear ar fáil, beidh sé mar aidhm againn tacú le:

- Seirbhísí luathfhoghlama agus cúraim leanaí in áiteanna éagsúla sa tír
- Réimse éagsúil ealaíontóirí agus foirmeacha ealaíne
- Grúpaí rannpháirteacha ó bhreith go páistí atá 3 bliana d'aois; páistí atá 4-6 bliana d'aois; agus grúpa amháin de pháistí atá os cionn 7 mbliana d'aois nó níos mó (Snáithe 1 agus Snáithe 3 amháin).
- Seirbhísí luathfhoghlama agus cúraim leanaí ina mbeidh an obair ar siúl trí Ghaeilge
- Meascán de sheirbhísí uirbeacha, tuaithe agus bailte beaga
- Meascán de sheirbhísí príobháideacha agus pobalbhunaithe
- Tabharfar tús áite do sheirbhísí ina n-oibrítear le páistí atá faoi mhíbhuntáiste agus ina leagtar béim ar ionchuimsitheacht.

Ina theannta sin, déanfar measúnú ar thograí de réir na gcritéar seo a leanas:

b) Caighdeán agus oiriúnacht an togra

- Cuntas teiste an ealaíontóra beartaithe/na heagraíochta ealaíne
- An seans le haghaidh comhoibriú cruthaitheach idir an t-ealaíontóir/eagraíocht ealaíne, oideoirí luathbhlianta, cleachtóirí atá ar aois scoile, teaghlaigh agus cúramóirí, agus aon pháirtithe eile mar is cuí
- An seans go bhforbróidh agus go bhfeabhsóidh an togra cleachtas an ealaíontóra nó na heagraíochta ealaíne, na seirbhísí comhpháirtí, nó aon chomhpháirtithe eile
- Deiseanna do na páistí rannpháirteacha, ealaíontóirí, teaghlaigh, cúramóirí, oideoirí luathbhlianta agus cleachtóirí atá ar aois scoile chun guth a bheith acu maidir le forbairt agus seachadadh an togra ar bhealach atá uailmhianach, bunúil agus comhoibríoch.

c) A mhéid is a chomhlíonann an togra cuspóir na dámhachtana

- Féach ar chuid 1.1 thuas.

d) Indéantacht an togra

- Uaslódáil agus comhlánaigh an fhoirm iarratais agus an t-ábhar tacaíochta
- Ioncam agus caiteachas réamh-mheasta soiléir agus indéanta atá leagtha amach i gcuid 3.1 den fhoirm iarratais, atá ar aon dul leis na gealltanais a tugadh i do dhréachtaí de na MTanna faoi iamh agus atá ar aon dul le do chur chuige maidir le híocaíocht an ealaíontóra
- Caidrimh reatha leis na seirbhísí beartaithe agus/nó leis an gCoiste Cúraim Leanáí Cathrach/Contae mar atá léirithe sa dréacht de na MTanna faoi iamh
- Taithí an iarratasóra ar thionscadail ealaíne comhoibríocha a sheachadadh agus ar bheith ag obair i gcomhar le seirbhísí comhpháirtí agus ar bheith ag pleanáil leo
- Sceideal agus próiseas a thacóidh le pleanáil agus athmhachnamh roinnte, agus a chumasóidh forbairt rannpháirtíochtaí comhoibríocha saincheaptha
- Pleananna oiriúnacha agus dáileadh acmhainní chun doiciméadú agus athmhachnamh a dhéanamh agus torthaí an togra a chomhroinnt
- Oiriúnacht na n-acmhainní a chuirfidh na comhpháirtithe ar fáil chun tacú leis an togra
- Léiriú an phá chóir agus coinníollacha córa do na healaíontóirí rannpháirteacha. Tá [beartas](#) foilsithe ag an gComhairle Ealaíon maidir le luach saothair agus conraitheoireacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas.
- Léiriú de thacaíochtaí comhchineáil nó tacaíochtaí eile ó sheirbhísí comhpháirtí eile agus comhpháirtithe eile.

3.4 Painéal piaraí

Is é cuspóir chruinnithe an phainéil piaraí ná éagsúlacht tuairimí saineolacha a cheadú chun faisnéis a chur ar fáil don phróiseas cinnteoireachta. Bíonn ar a laghad triúr breithneoirí seachtracha ar phiarphainéal a mbíonn an fhoirm ealaíne ábhartha acu agus/nó a mbíonn saineolas ar chleachtas ealaíon agus saineolas comhthéacsúil acu.

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoirí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisnéis a sholáthar, de réir mar is gá. Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir lá roimh an gcruinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

- A – Caithfear a Mhaoiniú (10 bpointe): dar leis an gcomhalta painéil gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraidh más féidir.
- B – Ba Chóir a Mhaoiniú (8 bpointe): dar leis an gcomhalta painéil gur comhlíonadh na critéir san iarratas an oiread sin go bhfuil maoiniú tuillte aige má tá acmhainn ar fáil.
- C – D'fhéadfaí a Mhaoiniú (5 phointe): dar leis an gcomhalta painéil gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- D – Ní Tosaíocht É (2 phointe): dar leis an gcomhalta painéil nár comhlíonadh na critéir san iarratas an oiread sin go bhfuil maoiniú tuillte aige.

Dearbhú leasa

D'fhonn cothroime agus cothromas sa chinnteoireacht a chinntiú, ní mór do chomhaltaí painéil leas a dhearbhu má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann 'leas' a bheith ina 'leas airgid' nó ina 'leas neamhairgid' (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfoirmiúil, etc.)

Ní mór an leas a dhearbhu a luaithe agus is eol don chomhalta painéil é a bheith ann. D'fhéadfadh sé sin tarlú ag an bpointe nuair a iarrtar air/uirthi suí ar an bpainéal (más eol an 'leas' ag an bpointe sin) nó tar éis liosta na n-iarratasóirí a fháil. I gcás go ndearbhaítear leas, ní bhfaighidh an comhalta painéil sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfaidh an Cathaoirleach in ionad an chomhalta painéil.

Scéim na nEalaíon sa Luathfhoghlaim agus i gCúram Leanáí 2024: Treoirlínte d'Iarratasóirí

I roinnt cásanna, d'fhéadfadh sé nach n-aithneodh comhalta painéil go bhfuil coinbhleacht leasa ann go dtí go bhfaigheann agus go ndéanann sé/sí athbhreithniú ar na páipéir phainéil. I gcásanna den sórt sin ní mór don chomhalta painéil ball foirne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dóibh é sin a dhearbhu a luaite agus is eol dóibh go bhfuil a leithéid ann agus an fógra sin a thabhairt i scríbhinn roimh an gcruinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.5 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Má éiríonn le d'iarratas, cuirfear litir thairisceana chugat ina sonrófar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaoiniú i gcónaí níos mó ná na hacmhainní a bhíonn ar fáil. Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon. Níl aon ghealltanas ann go mbronnfar dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhairt faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

Achomhairc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórach iad nó nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomhairc ar http://www.artscouncil.ie/en/fundInfo/funding_appeals.aspx, nó téigh i dteagmháil leis an gComhairle Ealaíon le haghaidh cóip den bhileog faisnéise faoin bpróiseas achomhairc.